

Q. B. D. V.
RECTORE MAGNIFICENTISSIMO
SERENISSIMO PRINCIPE REGIO
DOMINO
FRIDERICO AVGVSTO
ELECTORATVS SAX. HEREDE RELIQUA
DE
DVELLIS
GERMANORVM

PRAESES
M. CHRISTIANVS GODOFR.
CHEMNITIVS

TREB. SAXO.

ET

RESPONDENS

GEORGIVS BELITZ

GROGLIENENS. SAXO

DISPVTABVNT

AD. D. II. IVNII M DCC XVII.

VITEMBERGAE LITERIS SAMVELIS CREVSIGII

Ant. Germ. mit dem Bes. von Westph. Fasc. J. d. 1708

6.

s priv. Germ.

A.

164, 58

RECTORE MAGNIFICENTISSIMO

SEBASTIANO PRINCEPS

DOMINO

FACULTATI CO. AVGUSTO

RECTORIS SAC. THEOL. RILMON

DVARELLIS

GERMANNORVM

ERNESTI

M. CHRISTIANVS GODDORF

CHRISTIVS

TRER. SAKO.

RECTORIS

GEORGIVS BELTIS

PROFESSORIS SAC.

THEOL.

AD. D. AN. IN. M. R. D. C. C. L. V. I.

AT. THEOLOG. LIT. SAC. THEOL. RILMON

Duellorum originem, a Celticis potissimum ac Scythicis gentibus repetendam, pariter ac propagationem in diuersas Romani imperii prouincias, superiori dissertatione exposuimus. Nunc ad Germanos nostros reuertemur, et, quae ratio monarchiae apud eos, inde a constituto regno atque imperio Germanico, usque ad praesentem aetatem fuerit, considerabimus.

II. Antiqua Germanorum uoce, iudicium eiusmodi armatum s. duellum uocabatur Wehrding. In decreto Thasilonis A. 772. facto, ap. Lindenbrogium p. 440. legitur: *de pugna duorum, quod Wehadinc uocatur, ut prius insortiantur etc. Atque ita scriptam uocem Wehadinc Lindenbrogius etiam in Wehrdinc. Glossario suo repetiit, quem alii secuti sunt. Sed recte iam pridem Marcus Velferus lib. V. rer. Boic. p. 103, et post eum, Iustus Georg. Schottelius lib. de singularibus quibusdam et antiquis in Germania iuribus cap. XXVIII. §. 14. 15, annotarunt, uerum uocabulum esse Wehrding, deductum a Wehr siue Gewehr, arma, et Ding, s. Geding, conuentio, iudicium. Prior uox nec hodie in desuetudinem uenit, et posterioris uestigia seruant uerba composita Dingstag, siue, ut est in Weichbild art. 47. Dingtag, dies olim iudiciis destinatus, Dingmann, curialis, Dingstatt, uel Dingstete, locus, ubi iudicium exercetur, et alia huiusmodi studiose collecta a Iust. Georg. Schottelio l. d. et Op. de lingua Germ. lib. I. cap. 6. et lib. II. cap. 12. Ipsius ergo uocis indicio constat, duella olim in Germania fuisse genus quoddam iudiciorum uulgarium, siue Vrtellorum, quod superiori differt, pluribus probatum dedimus.*

III. Quoad Germani siue Franci orientales, cum Francis occidentalibus coniuncti, et eodem imperio comprehensi fuerunt, sicut ceteras leges, ita etiam hanc de duellis communem habuerunt. Vnde, quae de Caroli M. et Ludouici Pii decretis, in hac causa promulgatis, pariter ac de duellis Germanorum, ad antiquiora tempora spectantibus, in superiori differt. allata sunt, hoc loco non repetemus. Neque uero Germanos a Francis occidentalibus segregatos, duellorum consuetudinem mutasse, ipsius Ludouici Germanici exemplo

patet. Cum enim inter eum, et fratrem Carolum Caluum, Franciae occidentalis regem, contentio de finibus orta esset, antequam ad arma ueniretur, ille ad hunc triginta uiros misit, quorum decem aqua feruente, decem frigida, et reliqui decem ferro candente docerent, terras de quibus contenderent, iure hereditario ad Ludouicum pertinere, et iniuste Carolum eas sibi uindicare, ut refert Aimoinus lib. V. Cap. 34.

Sec. X. in
controuer-
suis facti,

IV. Sec. X., inprimis Ottonum Imperatorum tempore, illae etiam controuerfiae, quae antea iureiurando terminari solebant, ex communi Imperatoris, Pontificis Romani, et Procerum Italiae decreto, ut periuria uitarentur, iudicio duellico subiectae sunt. Ita enim leg. Longobard. lib. II. tit. LV. num. XXXV. continetur: *Antiquis est constitutum temporibus, ut si chartarum inscriptio, quae constabat ex praediis, falsa ab aduersario diceretur, sacrosanctis euangeliiis tactis, ueram esse, ab ostensore chartae probabatur, sicque praedium sibi deliberatione iudicium uindicabat. Qua ex re mos detestabilis in Italia, improbusque, non imitandus, inoleuit, ut sub legum specie, iureiurando acquireret, qui Deum non timendo minime formidaret periurare. Tempore igitur, quo piissimus rex Otto Romae unctionem suscepit imperii, residente in synodo, summo et uniuersali Papa domno Ioanne XIII. ab Italiae proceribus est promulgatum, ut Imperator sanctus, mutata lege facinus indignum destrueret, per quod, etsi corpore quispiam diues fieret, anima pereunte, pauper in aeternum maneret. Iudicio itaque domni Papae, et piissimi Augusti, expectatum est usque ad illam synodum, quae parua post intercapedine habita est Rauennae. Itaque, cum ab omnibus imperiales aures magnis quaestionibus pulsarentur, ut mutata lege, fraudem hanc tam diuam ab Italia tolleret, conuenientibus ceteris consentientibus, legem huiusmodi secundum inferiora promulgauit capitula. Sequuntur deinde leges speciales de causis per duella decernendis, n. XXXVI. XXXVII. XXXVIII. XXXIX. XL. Speciatim Abderamo, Duci Saxonico, Imperator Otto I. diplomate A. 967. X. Kal. Aprilis dato, potestatem concessit, possessionem bonorum suorum per sacramenta aut per pugnam tuendi, ap. Meibomium T. I. Rer. Germ. p. 751. Quin ipsa Ottonis M. filia, in uiolatae pudicitiae suspicionem a Cunone s. Conrado, Eberhardi comitis filio*

lio

lio, adducta, rogatu patris, per Burchardum Saxonem, duello cum Cunone inito, uindicata est, teste Ditmaro Merseburgensi lib. II. p. 40. edit. Maderianae, et continuat. Reginonis ad A. 950.

V. Illud uero singulare est, quod non tantum controuersae de factis, sed etiam de ipso iure, duello decisae fuerint. *Et iuris* Notum est, olim in Germania non satis definitum fuisse, utrum hereditas et successio procerum, ad filii natu maioris, ante illos defuncti, liberos, patrem repraesentantes, an potius ad filium, natu minorem, adhuc superstitem, pertineat? Haec lis A. 942. ex decreto comitiorum Strelensium monomachiae iudicio, nepotibus adiudicata est, quod Witichindus lib. II. Annal. p. 644. his uerbis refert: *De legum quoque uarietate facta est contentio, fuereque, qui dicerent, quia filii filiorum non deberent computari inter filios, hereditatemque legitime cum filiis sortiri, si forte patres eorum obiissent, auis superstibus. Unde exiit edictum a rege, ut uniuersalis populi conuentio fieret apud uillam, quae dicitur Strela, factumque est, ut causa inter arbitros diiudicaretur debere examinari. Rex autem meliori consilio usus, noluit uiros nobiles ac senes populi inhoneste tractari, sed magis rem inter gladiatores discerni iussit. Vicit igitur pars, qui filios filiorum computabant inter filios, & firmatum est, ut aequaliter cum patruis hereditatem diuiderent, pacto sempiterno. Consentit Sigebertus Gemblacensis, cuius ad A. 942. haec uerba sunt: Orta dissensione inter principes de uarietate legis, utrum deberent auis, superstibus, filii filiorum, post parentes defunctos hereditare, an, exhereditis fratruelibus, deberet hereditas ad patruos redire? ex regis Ottonis, omniumque principum sententia, cognitio ueritatis commissa est gladiatorio iudicio, cessitque uictoria his, qui censebant, fratrum filios debere cum patribus hereditare. Conf. Magnum Chron. Belg. T. III. Pistor. p. 78.*

VI. Neque hunc morem sustulerunt Imperatores Salici siue Franconici Sec. XI. rerum potiti. Primus eorum, *Sec. XI.* Conradus Salicus, altero post anno, quam regnum inierat, Christi 1025. duello inter Slauum quendam et Saxonem permissio, dissidia illorum sustulit, ut refert Wippo in uita eius. Henrici III. Imperatoris coniux, Gunildis, regis Angliae soror,

ror, castitatem suam duello, inter accusatorem et unum e ministris suis instituto, probavit, teste Wilhelmo Malmesburiensi lib. II. cap. 12. Sub eodem Imperatore *Ditmarus Comes, frater ducis Bernhardi, cum a milite suo Arnolde accusatus fuisset, de invito contra imperatorem consilio, congressus cum eo, ut obiectum manu propria purgaret, uictus et occisus est.* Lambertus Schaffnaburgensis ad A. 1048. Qua ratione, Otto, Dux Baioariorum, perduellionis accusatus, ab Henrico IV. iussus fuerit, cum accusatore congredi, et obiectum crimen manu propria refellere, pluribus exponunt Lambertus Schaffnaburgensis ad A. 1070. et Conradus Ursbergensis ad A. 1071. Geminum huic exemplum praebet Regingerus, qui, cum se ab Henrico IV. ad caedem principum sollicitatum professus esset, *si rex inficiaretur, se paratum ostendit cum ipso, uel cum quouis homine, conferta manu, rem diuino iudicio committere.* Ap. Lambert. Schaffnab. ad A. 1073. Plura exempla ex monumentis ciuitatis Hallensis in Sueuia, his uerbis memorat Munsterus Cosmograph. lib. V. p. 990. *Anno Christi 1005. hat Iost von Burgau, und Ioerg Hail zu Halle kämpfft, auff dem Viehemarkt am nächsten Freytag nach S. Jörgen tag, lag Iörg Hail ob, und Iost von Burgau blieb bis an den Donnerstagen, und starb. Darnach kämpfften aber zween edle mit einander in grünen Röcken ohne harnisch, da ergab sich einer dem andern. Weiter hernach haben zween edlen, einer Greuter geheissen, der andere Baustätter, mit einander kämpfft, und ist der Greuter obgelegen, und auff den Knyen von der Wahlstatt gangen, in eine Capell unserer lieben Frauen, zu Hall an Capellen thor, daß ihm die Knye bluteten; darnach haben zween edlen einer von Münchingen, der andere von Rappenburg, mit einander kämpffen wollen, die seynd von einen Rath zu Hall abgethädigt worden.*

Sec. XII.

VII. Sec. XII. Fridericus I. Imperator tit. de pace petenda, monomachiam, inter legitimos probationum modos, haud obscure approbat. Radeuicus certe, morem iudiciorum huius temporis describens, *Quod si testes, inquit, defuerint, et ille (reus scilicet) se iuramento expurgare uoluerit, accusator, si uult, potest iuramentum refutare, et illum duello impetere,* de Gestis Friderici lib. I. cap. 16. Quod idem Güntherus in Ligurino lib. VII. u. 259. his uerbis expressit:

Si

--- --- --- *Si teste carebit*

*Altera pars, facinusque uolet, formidine poenae
Abiurare reus, poterit iurare uolentem
Quilibet oblato licite reprobare duello,
Passurus similem non uicto crimine poenam.*

Hac igitur lege et consuetudine fretus, Theodoricus Marchio de Landsberg, A. Christi 1179. in publica curia Magdeburgensi duellum contra Henricum Leonem, Saxoniae ducem expetiit, imponens ei quasdam traditiones contra imperium factas, ut est ap. Arnoldum Lubecensem Chron. Slauorum lib. II. cap. 24.

VIII. Modum et conditones duelli ineundi, hucdum in *Sec. XIII.* Germania quasi per manus traditas, *sec. XIII.* nonnulli etiam *leges duelliteris* mandarunt, ut adeo sensim scriptae legis formam obtinerent, *lorum literis* Vid. Speculi Sax. lib. I. art. 63. et Weichbild art. 35. *Ex ris man-* quibus non solum huius, sed et antiquiorum temporum *datae.* consuetudinem aestimare licet. Videamus nonnullos saltem exempli causa: I. *Quilibet homo potest sibi duellum in generatione deteriori, sed non deterior meliori denegare.* II. *Negare quis potest duellum, si post meridiem ei inferatur.* III. *Vt duellantes, quantum uoluerint, de corio et lineo induant, modo frontes, i. e. capita et pedes maneant denudati. In manibus non nisi simplices habeant chirothecas, nudum in manu quilibet gladium, et cum uno uel pluribus, secundum cuiusque arbitrium, praecingantur. Clypeum ligneum in manu ferant, et unam tunicam induant, cuius manicae usque ad cubitum se extendant.* IV. *Ante iudicem accedere debent praeparati, et iurare, actor uidelicet, quod illa accusatio uera sit, et reus, quod innocens sit, et sic eos Deus adiuuet in suo duello.* V. *Splendor solis eis diuidatur, quando procedunt.*

IX. Et Imperator quidem Fridericus II. ut alia *Friderici* Vrtellorum siue iudiciorum uulgarium genera lege uetuit, ita, quantum in eo fuit, etiam duellorum superstitioni se opposuit. Sed *II. consti-* cum malum nimis inueteratum funditus tollere non posset, *tutiones* arctioribus saltem limitibus illud coercuit: Nam plerasque causas, *aduersus* monomachia disceptari solitas, ad pacata iudicia remisit, et *duella.* relictam in quibusdam duellandi libertatem, ad certum hominum genus certasque leges restrinxit. Eo spectat *Constitt.* Sicular. lib. II. tit. XXXII. *Prosequentes beneuolum nostrae uoluntatis propositum, quo pugnas a nostra republ. praeterquam in quibus-* *dam*

dam paucis admodum casibus exceptis, praeuidimus submouere, ingerente se casus praesentis materia circa Francos, qui personarum suarum, plurimumque rerum suarum omnium, aut maioris partis eorum fortunam in monomachiam, quae duellum uulgariter dicitur, reponebant, quid de eis celsitudo nostra praeuiderit statuendum, constitutioni praesenti manifestissime declarantes. Praedictum igitur probationis modum, per pugnam uidelicet, quo iure Francorum uiuentes hactenus utebantur, tam circa principales personas, eam sibi inuicem offerendo, quam circa personas testium inuicem productorum, tam in ciuilibus, quam in criminalibus causis de cetero uolumus esse sublatum. Sed si Francus aliquis Franco, super aliqua quaestione ciuili, uel etiam criminali extiterit impetitus, per probationes testium uel instrumentorum, et similium, per quos posset plene probari ueritas, conuincatur. et quod sub finem huius tit. legitur: Consuetudinem autem, quae in quibusdam regni partibus obtinebat, per quam hi, qui Franci non sunt, de iure communi censentur, testibus contra se productis, in quocunque iudicio possint pugnam offerre, funditus extirpamus; sed personarum et causarum distinctione seruata, in eorum causis iuxta nouae constitutionis nostrae statuta, iustitia praeuia, et aequitate seruata, ad diffinitiuam sententiam procedatur. It. tit. XXXIII. Monomachiam, quae uulgariter duellum dicitur, paucis quibusdam casibus exceptis, inter Barones regni, nostraeque ditioni subiectos, in perpetuum uolumus locum non habere, quae non tam uera probatio, quam quaedam diuinitio dici potest; quae naturae non consonans, a iure communi deuiat, aequitatis rationibus non consentit. Excipiuntur tamen, ab huius sanctionis humanitate, homicidii et criminis laesae Maiestatis rei, in quo crimine, pugnae iudicium reseruatur. Cuius exceptionis hanc Imperator reddit rationem: non, quod in ipsis nostra serenitas iustum aestimet, quod iniustum in aliis reputauit: sed quod in eorum poenam et aliorum exemplum, publice in conspectibus hominum sub tremenda probationis specie, tales constitui uolumus homicidas, qui occultas atque furtiuas insidias uitae hominum, quos sola potest creare diuina potentia, parare minime timuerunt. Eos enim extra omnes modestiae terminos stabilimus, qui aduersus securitatem nostram, per quam omnibus aliis praestatur securitas, moliri aliquid non uerentur. et tit. XXXIV. In causa depositi, in qua olim pugna locum habebat, pugnae prorsus interdicitur facultas.

X. Praeterea etiam ciuitatibus quibusdam Germanicis *Eiusdem* priuilegia aduersus duella tribuit, nominatim Ratisbonensi: *et aliorum* *Vt quicumque ciuis Ratisbonensis de duello impetitur, si se poterit ex-* Imperato-
purgare duodecima manu honestarum personarum, de impetitione, rum pri-
qua impetitur, sit absolutus, ap. Wiguleum Hundium in Metro- uilegia ad-
 poli Salisburgensi, tit. Episcopus Ratisbon. Tom. I. edit. *uersus du-*
 Gewold. p. 138. et ciuitati Vindobonensi A. 1237. *Si septima ella.*
manu honestarum personarum se expurgare possint, ap. Lambecium
 in comment. de Biblioth. Caesar. lib. II. p. 81. item ciuitati
 Norimbergensi: *Vt nemo aliquem ciuem loci illius duello impetat in*
toto Romano imperio, ap. Goldastum Tom. I. Constitt. Imperial.
 p. 291. Similia priuilegia, post Inter regni Germanici turbas,
 in quibus omnia omnibus licebant, finitas, alii etiam Impe-
 ratores, aliis ciuitatibus impertuerunt, ut Rudolphus I. ciuita-
 ti Rotenburgo-Tuberanae A. 1247. *Es soll noch mag kein auswart-*
mann, umbe keinerley Sache nicht laden, noch kämpfflichen ansprechen,
keinen unsern Bürgern uon der uorgenandten Stadt et reipublicae
 Francofurtanae A. 1291. *Quod nullus uos, uel uestrum aliquem,*
modo duellico, seu per uiam duelli, extra ciuitatem Francofurtensem
possit uel debeat euocare. ap. Dattum de Pace publica lib. I. cap.
 I. p. 5.

XI. Nihilominus exempla testantur, leges etiam optimas, *Duella in-*
 contra uim pravae consuetudinis parum ualuisse. Quae, ut a- *ter homi-*
 lia, huic seculo cum antecedentibus communia, taceam, eo pro- *nes diuer-*
 cessit, ut diuersi etiam sexus hominibus monomachia conce- *si sexus.*
 deretur. Tale duellum, Bernae A. 1228. die V. Ianuar. com-
 missum, in quo foemina a uiro, aduersario suo, uictoriam re-
 tulit, pluribus describit Stumpffius in der Schweitzer Chronicke
 p. 17. Similis duelli descriptio et pictura in bibliotheca Guel-
 ferbytana ostenditur.

XII. Sec. XIV. patrocinium duellorum, concilii licet Va- *Sec. XIV.*
 lentini Canone XII. Nicolai I. Ep. 50. Alexandri III. cap. 10. *duella pu-*
 da purgatione uulgari, aliorumque Pontificum et conciliorum *blice de-*
 nuntietis, damnatorum, suscepit Dantes Aligherius, qui lib. II. *fensa et*
 de monarchia p. 262. edit. Schard. recte *ad monomachiam recur-*
concessa.
ri existimat, ne iustitia derelicta maneat, ubicunque iudicium huma-
nam deficit, uel ignorantiae tenebris inuolutum est; adeoque per eam,

B

de

de libero consensu partium, non odio, sed amore iustitiae, per uirium tam animi, quam corporis mutuam collisionem, diuinum iudicium postulandum. Praecipue uero inualuerunt hoc tempore duella illa quae supra memorauimus, de dignitate et existimatione dimicantium, publica etiam auctoritate approbata. In tale certamen A. 1336. uenerunt duo equites, Hector de Trautmansdorff, cubicularius, et Seyfridus Fraunbergerus, consiliarius Imperatoris Ludouici IV. Cum enim hic, gentem suam Trautmansdorffiana nobiliorem et antiquiorem dixisset, die ab Imperatore constituto, duellum cum eo inire, et uictus, pro se ac posteris suis, superiorem locum Trautmansdorffis concedere, necessum habuit. Dignae sunt, quae hoc loco legantur ea de re, literae publicae Imperatoris Ludouici. Wir Ludwig, von Gottes Gnaden Römischer Käyser, zu allen zeiten Mehrer des Reichs, bekennen öffentl. mit dem Brieff, daß für uns kommen ist der Veste und gestrengte Mann, Hector uon Trautmansdorff, unser lieber getreuer Cammermeister, und sich beklagt über Seyfried den Fraunberger, unsern Rath, wie er ihme hinterrüks seine Ehre benommen, und sich allenthalben berühmet, besser, und uon Adel älter herkommens seyn, dann er. Darauff hat Fraunberger unuerholen seine Antwort gethan, er hätte das geredt: bitt darauff unser Cammermeister, daß ein ieden zuweisen berufft, darauff eine Brieffliche Vrkund uor unser fürzubringen, das beyde Theil gethan haben. Zum ersten hat Seyfried der Fraunberger seyn guth besiegelt Brieff, mit Iahrzahl zweyhundert und dreyzehnen Iahr, darnach Hector uon Trautmansdorff, auch mit seinen guten besiegelten Brieffen gewiesen, uierdtehalbhundert Iahr, auch zwey Iahr. Nach dieser weysung sich diese beyde ausserehalb unser, zu kämpffen (bey ihrem grossen Eyden geschworen) uerpfflicht haben, um Fängniß, und um ihr Schild und Helm, und Kleinodt darinn, und darauff den andern Sieghafften, mit Leib und Wapen heimsfallen solte, dos mit hohen bitt an uns gethan, ihnen das zuuergünnen: haben wir ihnen beyden, nach unsern beschlossenen Rath, das zugeben, und einen Tag angestellt, ist Seyfried der Fraunberger schwerlich unterlegen, und des Kampffs siegloß worden. Darnach hat unser leib Cammermeister, Hector uon Trautmansdorff, unser Frauen der Käyserin den gefangenen Seyfried zu einer Ehrung geschencket, haben wir darauff aus uergünnung der Käyserinn, den gefangenen Seyfried, mit leib, und seinen Willkühr

wie-

wiederum ledig gesprochen, doch in der Gestalt, daß hinführo unser getreuer lieber Cammermeister, Hector von Trautmansdorff, sein Bruder, ihre Erben, und alle ihre nachkommen, uor Seyfrieden von Fraunberger, seine Erben, und Nachkommen, allweg, im Schimpff und Ernst, mit ihr Leib und Wapen, den Fürstandt haben sollen. So aber Seyfried der Fraunberger, oder seine Nachkommen das nicht hielten, aus muthwillen übertretten, sollen sie uns und unsern Nachkommen, ohne alle Gnade uerfallen seyn hundert Marck Goldes, auch Hector von Trautmansdorff funffzig Märck Golds. Das bestätigen wir ihm aus Käyserlicher Macht mit diesem unsern Brieff, und Käyserlichen anhängenden Siegel, der geben ist in unsern Marckt Myorach an S. Georgen im 1336. und unsers Reichs im zwanzigsten Iabr.

XIII. Contra malum hoc nimis ingrauescens, plures ciuitates per priuilegia sibi prospexerunt, cuiusmodi est priuilegium ciuitatis Tremoniensis ab ipso Ludouico IV. obtentum A. 1332. Indulgemus etiam uobis, successoribusque uestris uniuersis, exoneramusque uos, et releuamus ab omni impetitione duelli: aduersus sic, quod nulli liceat, uos, pro quacunque causa, siue quocunque modo, duella in quibuscunque locis, terminis aut districtibus, siue territoriis, quomodo libet, impetere per duellum. uid. Beylagen des A. 1688. zu Regenspurg dictirten Dortmundischen Memorials. Geminum huic priuilegium Imp. Carolus IV. Wormatiensibus A. 1355. his uerbis confirmauit: Wir bestätigen ihnen auch die Freyheit, das sie niemand kämpfen mag. uid. Limnaeus ad I. P. lib. VII. cap. 56.

XIV. Sec. XV. et XVI. eo res rediit, ut pro integrarum gentium gloria et existimatione duella susciperentur. Exemplum talis pugnae inter tredecim Italos, totidemque Gallos, quorum illi uictoriam retulerunt, fuse memorat Guicciardinus lib. V. Hist. Ital. p. 189. Geminum huic est duellum Comitis Germani, Io. Sonnebergii, ex nobilissima Druchsessiorum Waldburgensium gente orti, A. 1468. cum Italo quodam, Antonio Maria, copiarum Venetarum ducis filio, initum, quod Philippus Camerarius, ex genealogia generosae prolapiae Druchsessianae, Waldburgicae stirpis, in Centur. II. Meditt. hist. cap. XIX. his uerbis memorat: Antonius Maria, Ruperti Mariae Sansfeuerinatis, copiarum Venetarum ducis fi-

lius, Italus, uoce militari prouocat Germanos, *SI VNVS EX ILLIS DVELLO SECVM, FORTITVDINIS ERGO, VTRA GENS BELLO PRAESTANTIOR ESSET, DIMICARE VELLE?* accepit hanc conditionem, Io. comes Sonnebergius, et conuentum est, ut uictor mille florenos, et equum atque arma uicti, tropaei loco, lucraretur. Locus certaminis in ripa Athesis, intra duo castra medius, destinatus est, additis campi custodibus, quos *GRIESVERTHEL* uocant, unicuique parti quatuor, uiris militaribus, addita poena suspendii, si quis alius, praeter octo illos, uel uerbo, nutu, alioque signo indicium daret. Huc accessit pactum, uter ex pugnantibus nomen sanctae Catharinae exclamaret, ut is pro uicto haberetur, et tum demum, custodes illi destinati potestatem haberent, succumbenti subueniendi, atque pecuniam, equum, et arma uictori tradere tenerentur. Cum pugna committeretur, Sonnebergius equum pariter, ac gladium amisit: unde propius accedens, luctari cum aduersario suo coepit, qui, abiecti gladio, eum amplexus, magna ui prosternere conatur. Sed uiriliter a comite resistitur, donec ambo lassè luctando, simul corruunt, ita, ut Maria collum eius dextro suo brachio teneret, ille uero iacentem sinistro femore sub se premeret. Resumptis deinde ex lucta paulisper uiribus, Sonnebergius sinistra manu dissimulanter explorans, an luctator suus circa nates, aliquo modo extantes, lorica armatus esset, quam detegere posset? id sentiens, pugione a tergo ex dextra in sinistram translato, sublata lorica hostis sui, eum in natibus uulnerare coepit, qui, ab illa parte corporis nudus, sentiens ictus ingeminari, absque mora Catharinae nomen proclamauit. Audito hoc, eius custodes quatuor accurrunt, et Mariam prostratum et uulneratum erigunt, atque subtrahunt ex pugna, ne occideretur. Hic fuit monomachiae finis, ex qua Germanicae nationis laus et honor admodum aucta, et hostibus formidabilior facta fuit. Addatur Petr. Bembus *Histor. Venet. lib. III. p. 7.* et Petr. Iustinianus sub initium lib. VI.

Ritus et loca duellorum h. t. XV. Intra fines Germaniae, potissimum apud Sueuos huiusmodi contentiones eo tempore uiguerunt. Exemplum duelli A. 1409. Augustae Vindelicum commissi memoratur in *Chronico Augustano Tom. III. Pistor. p. 614.* inter Marschalcum uidelicet, et Hachsenacker, in quo Marschalcus, cum prostratus esset, et a suo aduersario interrogatus, si fortuna sibi fauisset, quid agere uellet? dixit, se interfecturum hostem suum, quod et

mox

*mox Hachsenacker in eum fecit, seque portari fecit in feretro suo, quod
 illuc stabat ex more, quod etiam libitinam dicunt, ad Ecclesiam S. V-
 dalrici, agens gratias. Quod Chronicon memorat de feretro,
 in locum duelli illato, idem Sebast. Munsterus l. c. de iudicio
 duellico in ciuitate Hallensi, una cum aliis duellorum riti-
 bus, usque ad sua tempora seruatis, refert: In dieser Stadt
 ist ein Kampff Gericht, wenn zwey edel rittermässige mit ein-
 ander kämpffen wollen, umb Ehre und Glimpff, und wird die-
 se Ordnung gehalten — — — Der Rath läßt den Ort mit Sand
 beschütten und umschrancken, und iedem ein Hütten, da er mit den
 Grieswartten, und seinen Verwandten seyn mög, machen, und iedem
 ein todtenbahr, mit Kertzen, Bartücher, und andern dingen, die zu ei-
 ner Leich gebörendt. Addit etiam de confessionario. Es wird
 auch einem iedem seines gefallens ein Beicht-Vater, zween Grieswar-
 ten, und einen als den andern gleich Harnisch und Wehr zugelassen, re-
 liqua, als denn bestimt ein Rath ihnen beyden Stund, auff seinen Platz
 in seine Hütten zukommen mit seinen Beicht-Vater und Grieswartten,
 etc. tandem concludit. Welcher uerwundet wird, und sich dem an-
 dern ergiebt, der soll hinfübro geachtet werden ehrloß, auff kein Pferd
 mehr sitzen, kein Bart scheeren, noch Waffen oder Wehr tragen, auch
 zu allen Ehren untüglich, und welcher todt liegen bleibt, der soll zur
 Erden ehrlich bestattet werden: Vnd dieser, der also obliegt, der soll
 sein Ehr gnugsamlich bewerth haben, und forthin ehrlicher gehalten
 werden. Similia loca et iudicia duellorum (Kampff Plätze)
 Wirtzburgi et Onoldini prope Norimbergam constituta fu-
 iisse, idem Munsterus docet, et publici iudicii Rothweilensis
 sententia, usque ad A. 1450. multas causas duello decisas fuisse,
 Goldastus ostendit. Contra iudicium duellicum Norimbergen-
 se, graues querelae ciuitatum Sueuicarum leguntur in literis A.
 1427. publice scriptis: Vnd als auch denne sunderlichen zu der nächst
 uergangenen Manung fürgenommen sind die nächstbenempten Stücke, die
 den Stätten ihr Freyheit und Recht und herkommen uast berührent, und
 auch Sie, und die Ihren deshalb groß Vnratz und Schadens wartent seyn
 müssen, des ersten um die Kampff-Gerichte zu Nürnberg, dawieder dahai-
 nen Biederbmann, weder Freyheit, noch nichtzit anders schirmen, o-
 der behelffen mag; daß auch wieder Gott den HERren, und alle Gesatzt
 und Rechte, geistliche und weltliche ist apud Dattum L. l. de Pace
 publ. c. l. §. 33.*

Duella

Sec. XVI. XVI. Post multa regum et conciliorum edicta, concilium Tridentinum *detestabilem duellorum usum, fabricante diabolo introductum, ut cruenta corporum morte, animarum etiam perniciem lucretur, ex Christiano orbe penitus exterminatum uoluit. sed nec fulmine suo consuetudinem, nimis alte animis, praesertim Germanorum, infixam, cohibere potuit. Quamuis enim hoc tempore monomachia non amplius probationis loco usitata esset, quo nomine olim idem fere, quod equuleus, siue tortura praestabat, tamen tuendi uel amittendi honoris opinione tanto efficacius sustentabatur. Testatur illud Ioach. Vadianus lib. I. de Colleg. Monasteriisque Vet. Tom. III. Rer. Alamann. Goldast. p. 7. ubi illam quidem cum aliis purgationum generibus sublatam esse, monet, praecipue, inquit, purgationum species quaedam plus quam superstitiosae (diu retentae sunt) quibus ad innocentiam explorandam usi sunt, uelut iudicio aquae frigidae, aquae feruentis, nouem uomerum candentium, et sanctae crucis iudicio, quae demum, ut superstitiosa sublata sunt. Sublata est et monomachia iam olim Germanis, ad arma et uindictam pronis, usitata: quae ipsa tamen, ne uirium quidem aut roboris, nedum aequitatis aut innocentiae, ullam indicaturam praestare potuit. Sed eandem nihilominus GLORIAE CAUSA, adhuc sua aetate permitti, his uerbis ostendit: Scribae Alemanni postea CAMPI CERTAMEN monomachiam, id est, singularem et condictam illam pugnam, uocauerunt, quam uulgus, uoce ceu detorta, CAMPFER dixit, cuius ut nomen, ita etiam scelus adeo inhaesit nostrorum animis, ut sint passim, qui atrocem illum et gladiatorium congressum suis, ceu gloriae aliquid et iustitiae afferentem, etiamnum permittant. Exemplum huiusmodi concessionis praebet priuilegium Henricopolitanis A. 1579. a Iulio Brunswicensi concessum, cuius articulus XII. duellandi necessitatem, etiam sub honoris amittendi conditione, his uerbis imponit: Da sich iemand mit den andern aus billigen nothwendigen Vrsachen balgen und schlagen will, und müssen, zu dero behuef sollen sonderliche und beschränckte Plätze, in der neuen Heinrich-Stadt, an gelegenen sichtlichen Oertern nach Wohlgefallen des Fürsten geordnet, und das balgen keinen trunckenen oder Füllen, sondern gantz nüchtern und freudigen beleidigten Leuten auff nüchtern Morgen gestattet, und sonderliche Scheids-*

Leute

Leute, damit niemand zu sehr uerderbet, darzu gezogen werden, und wer also füller weise gefürdert wird, solle nüchtern bey verletzung seiner Ehren kommen, und seinen Escher wahrnehmen, und sich also mit gleichmæssigen Landsknechtischen Degen, oder schneidigen Wehren, und mit keinen Rappier Balgen, darauff dann gesehen werden soll, daß keiner überwehrt werde.

XVII. Sub initium Sec. XVII. ipse Imperator Rudolphus *Seculo* II. Henrico, duci Lotharingiae confirmavit *ius, quod ipse dux XVII. antiquitus ad se spectare, et ad praedecessores suos spectasse, praeten-* duellorum dit, ut, si quis in terra inter Rhenum et Mosam duellare uoluerit, *bu-* uesania ad *iusmodi duella coram eo fieri debeant, et non alibi consummari, literis summum* publice datis Pragae A. 1609. quas Conringius operi de Fini-gradum bus Imperii cap. XXVII. p. 441. inseruit. Et sane hoc seculo *perducta.* duellorum, pro fama et existimatione susceptorum uelania ad summum gradum peruenisse uidetur. Nam, qui duellum recusauerat, omni honestorum uirorum societate et conuictu arcebatur, et in huius infamiae signum, ea parte, quam talis accumbendo occupabat, laciniam mappae refecari, in quibusdam Germaniae locis mos erat, ut ostendit Knipschild in Exercitt. de Contract. Exerc. ult. Quin eo furoris nonnulli processerunt, ut prae existimatione illa, non huius tantum, sed et alterius uitae salutem sibi negligendam putarent. Vix hominis, nedum Christiani uox est, quam A. 1617, cum Imperatoris Matthiae edictum aduersus duella promulgatum fuisset, ex comitis cuiusdam Germani ore exceptam, refert Zeilerus not. ad Hist. IV. Rossetti, ex eoque Schottelius de antiqui. in Germ. Iur. et obseru. cap. XXVIII. §. 20. *daß er bey einen verzagten, und der ein Duell abschlage, auch im Himmel nicht sitzen wolte.*

XVIII. Itaque non immerito ad peruersam hanc consue- *Princi-* tudinem, uelut ad Communem patriae pestem, restinguen- *pum edi-* dam, Imperatores aequae, ac ordines imperii consurrexerunt. *ctis cohi-* Nam post Imperatoris Matthiae edictum modo laudatum, *bita et ab-* quo capitalis poena in duellatores constituitur, A. 1667. in co- *rogata.* mitiis Ratisbonensibus, communi trium collegiorum consensu, Imperatoris Leopoldi auctoritate confirmato, decretum est

est, ut duella toto imperio exterminarentur. Leg. *Reichs Conclusum wegen des Duellirens den 11. Julii Ao. 1667. ap. Lunigium im Reichs-Archiv. Part. gener. p. 432., et Kayserliche Resolution auff das Reichs-bedencken der duellen halben, ibid. p. 434.* Sed et singuli Principes Germaniae in suis ditionibus, publicae securitati aduersus illa prospexerunt. Eo spectant leges Augusti, Ducis Brunsvicensis et Luneburgensis A. 1646. et Friderici III. Electoris Brandenburgici, postea Regis Prussici, A. 1688. aduersus duella latae; praecipue uero, Clementissimi Regis atque Electoris nostri, FRIDERICI AVGVSTI edictum A. 1706. primo promulgatum, et A. 1712. renouatum, quo non solum duella ipsa capitali poena uetantur, sed et illorum causis et occasionibus, tam sapienti conuenientique ratione occurritur, ut ex omnibus, quae hucdum in lucem prodierunt, nullum, ad hunc finem obtinendum adeo accommodatum esse uideatur. Quam falso monumentum Parisinum, lege Ludouici XIV, duella abolita esse, gloriatur, ipsorum Gallorum testimonio superiori Dissertatione demonstratum est. Sed FRIDERICI AVGVSTI edicto, malefanam hanc digladiandi libidinem esse restinctam, ipsa experientia testatur, plurimaeque ciuitates ac sodalitates confirmant, quae, antea caedibus et homicidiis cruentatae, nunc optata securitate perfruuntur. Idem, cum immortali Potentissimi Regis gloria, de nostra Academia praedicare licet, quae, cum olim quotannis fere suorum clades et calamitates deploraret, ex illo tempore, per decem amplius annos, nullum ferro mutilatum, nedum trucidatum, uidit. Optimi etiam et prudentissimi quique stultitiam barbari moris agnoscunt, ut, contra illum, rationi, legibus, et iustissimae Maximi Principis uoluntati obtemperare, nulli amplius dedecori uel opprobrio ducatur.

F I N I S.